



Republika e Kosovës – Republika Kosova
Paneli Zgjedhor për Ankesa dhe Parashtresa
Izborni Panel za Žalbe i Predstavke

ZL.Anr. 685/2017

Paneli Zgjedhor për Ankesa dhe Parashtresa (PZAP), i përbërë nga gjyqtarët: në panelin e përbërë nga gjyqtarët: Gyltene Sylejmani kryesuese, Ymer Hoxha dhe Afijete Sada-Gllogjani anëtarë, me pjesëmarrjen e Zyrtares Ligjore Fitore Isufi, duke vendosur përkitazi me ankesën e Besim Bytyqi, kandidat për anëtarë të Kuvendit Komunal në Gllogoc, për shkak të mungesës së votave, për Zgjedhjet Lokale të datës 22.10.2017, në seancën e panelit të mbajtur me datë 10.11.2017, mori këtë:

V E N D I M

REFUZOHET si e pabazuar ankesa e Besim Bytyqi, kandidat për anëtarë të Kuvendit Komunal në Gllogoc, me shenjën ZL.Anr.685/2017, e datës 09.11.2017, për shkak të mungesës së votave, për Zgjedhjet Lokale të datës 22.10.2017

A r s y e t i m

PZAP-i, ka pranuar një ankesë nga Besim Bytyqi, kandidat për anëtarë të Kuvendit Komunal në Gllogoc, me datën 09.11.2017 me të cilën thekson se i mungojnë 36 vota. Më tej parashtruesi i ankesës ka çekur edhe votat e kandidatëve të tjerë, andaj kërkon që të bëhet rinumërimi i votave.

Paneli, pasi që shqyrtoj të gjitha shkresat e lëndës në kuptim të nenit 117 par. 2 të LZP-së, gjeti se:

Ankesa është e pabazuar

Paneli i PZAP-it, vlerëson se parashtruesi i ankesës në mbështetje të pretendimeve ankimore në ankesë, nuk ka ofruar asnjë dëshmi të qartë për të vërtetuar pretendimet në ankesë, të paraparë me dispozitën e nenit 117 par. 3 të LZP-së ku është përcaktuar: “*se vendosja për ankesa dhe apele nga PZAP-i mbështetet në dëshmi të qarta dhe bindëse*”. Paneli gjatë vendosjes së ankesës gjeti se pretendimet ankimore të ankuesit nuk janë të bazuara në fakte andaj si të tillë ankesën e refuzoj.

Kjo për faktin se pala ankuese nuk ka ofruar asnjë provë dhe nuk e ka potencuar asnjë vendvotim se ku i mungojnë votat për të vërtetuar pretendimet ankimore. Më tej në qendrat e votimeve të lartë çekura, ashtu si është përcaktuar në nenin 5.7 pika (b) dhe (c) të Rregullës dhe Procedurave të PZAP-së nr.02/2015, ku përcaktohet: “*Të gjitha ankesat duhet të kenë së*

paku këto informacione: një përshkrim të hollësishëm, duke përfshirë datën kohën dhe vendin e shkeljes së pretenduar; hollësi rreth çfarëdo dëshmie dhe kopje të çfarëdo dokumentacioni relevant apo dëshmi të tjera në posedim të ankuesit”.

Andaj, nisur nga arsyet e theksuara më lartë në kuptim të dispozitave të nenit 117 dhe 118 par. 1 të LZP-së, Paneli i PZAP-it, vendosi si në dispozitiv të këtij vendimi.

Paneli Zgjedhor për Ankesa dhe Parashtresa

ZL.Anr.685/2017 më datën 10.11.2017.

Kryesuese e Panelit
Gjytene Sytejmani



Këshillë Juridike: Kundër këtij vendimi është e lejuar ankesa sipas nenit 118 par. 4 të LZP-së, në Gjykatën Supreme të Kosovës, brenda njëzetekatër (24) orëve nga momenti i marrjes-pranimi të këtij vendimi.